



INSTITUT MASA  
DEPAN MALAYSIA

# SOCIOECONOMIC INSIGHT NO.4 / 2023

## **Kenaikan Kadar Dasar Semalaman (OPR) Menjejaskan Kedudukan Kewangan Rakyat**

POLICY AND RESEARCH DIVISION  
INSTITUT MASA DEPAN MALAYSIA  
1 JUNE 2023

***Kenaikan Kadar Dasar Semalaman (OPR) Menjejaskan Kedudukan Kewangan Rakyat  
Bertarikh 1 Jun 2023***

**Tema:**

**Kenaikan Kadar Dasar Semalaman (OPR) Menjejaskan Kedudukan Kewangan Rakyat**

**Pengenalan:**

Tidak dinafikan, rakyat Malaysia telah merasai tekanan dalam perbelanjaan harian mereka. Inflasi tolakan kos (*cost-push inflation*) akibat kenaikan OPR Rizab Persekutuan (FED) Amerika Syarikat (AS) yang bertujuan mengurangkan tekanan inflasinya memberi kesan meningkatkan lagi kos sara hidup di Malaysia. Walau bagaimanapun, isu kos sara hidup yang kian meningkat semakin menjadi perdebatan hangat dalam kalangan masyarakat khususnya mengenai kesan dan puncanya.

Pada 3 Mei 2023, Jawatankuasa Dasar Monetari (Monetary Policy Committee, MPC) Bank Negara Malaysia (BNM) membuat keputusan untuk menaikkan Kadar Dasar Semalaman (OPR) sebanyak 25 mata asas kepada 3.00 peratus bagi meredakan kadar inflasi. Kadar tertinggi dan terendah koridor bagi OPR turut dinaikkan masing-masing kepada 3.25 peratus dan 2.75 peratus<sup>1</sup>.

Kenaikan kadar dasar semalaman (OPR) ini menyebabkan **meningkatkan kos sara hidup rakyat dan menjejaskan kedudukan kewangan rakyat**, secara amnya dipengaruhi oleh beberapa faktor, antaranya:

- 1) Peningkatan kos perbelanjaan ke atas item makanan dan minuman; dan
- 2) Kadar bayaran hutang yang semakin membebankan.

---

<sup>1</sup> [Pernyataan Dasar Monetari \(3 Mei 2023\)](#)

**Kenaikan Kadar Dasar Semalaman (OPR) Menjejaskan Kedudukan Kewangan Rakyat  
Bertarikh 1 Jun 2023**

<b>1.0 Kadar Dasar Semalaman (OPR)</b>	
Penghuraian	<p><b>Kadar inflasi Malaysia telah mengalami penurunan sebanyak 0.1% (Mac: 3.3%) daripada 3.4% pada Mac 2023 (Rajah 1)<sup>2</sup>. Namun, rakyat masih bergelut dengan kenaikan harga item barangan terutamanya makanan yang secara amnya masih tinggi dan menjejaskan urusan kehidupan harian mereka.</b></p> <p><b><u>Isu-isu:</u></b></p> <p><b>1) Peningkatan kos perbelanjaan ke atas item makanan dan minuman</b></p> <ul style="list-style-type: none"> <li>- Dari segi teori monetari konvensional, kenaikan OPR adalah bertujuan untuk menurunkan kadar inflasi dengan cara memperlahankan aktiviti ekonomi, iaitu mencetuskan '<i>mild recession</i>'.</li> <li>- Hal ini dapat dilihat apabila kadar inflasi mencatatkan penurunan daripada 3.9 peratus pada suku keempat 2022 kepada 3.6 peratus pada suku pertama 2023<sup>3</sup>.</li> <li>- Namun begitu, <b>penurunan kecil dalam kadar inflasi masih 'memaksa' rakyat untuk berbelanja melebihi daripada pendapatan yang dimiliki untuk meneruskan kelangsungan hidup, terutama dalam golongan B40 dan sebahagian M40.</b></li> </ul>

<sup>2</sup> [Jadual Penerbitan Suku Tahunan Q1 2023](#)

<sup>3</sup> [Jadual Penerbitan Suku Tahunan Q1 2023](#)

**Kenaikan Kadar Dasar Semalaman (OPR) Menjejaskan Kedudukan Kewangan Rakyat Bertarikh 1 Jun 2023**

Rajah 1 : Indeks Harga Pengguna April 2023



- Menurut Jabatan Perangkaan Malaysia (DOSM), **perbelanjaan penggunaan swasta meningkat kepada RM 230,457 juta** pada suku pertama 2023 berbanding **RM 225,862 juta pada suku keempat 2022<sup>4</sup>**.
- Ini menggambarkan bahawa **kuasa beli (*purchasing power*) pengguna semakin merosot** kerana terpaksa mengeluarkan bayaran yang lebih tinggi untuk membiayai komitmen yang sedia ada.

<sup>4</sup> [Jadual Penerbitan Suku Tahunan Q1 2023](#)

***Kenaikan Kadar Dasar Semalaman (OPR) Menjejaskan Kedudukan Kewangan Rakyat  
Bertarikh 1 Jun 2023***

	<ul style="list-style-type: none"><li>- Tuntasnya, kenaikan OPR mengakibatkan <b>peningkatan bayaran ansuran bulanan sedia ada</b> kepada pihak bank. Malah, kenaikan OPR juga <b>menjejaskan gaji bersih</b> rakyat sekaligus menyebabkan <b>kuasa beli seperti makanan, kenderaan dan lain-lain akan merosot</b>. Kesannya, kehidupan rakyat semakin sukar kerana terpaksa membayar kadar faedah pinjaman yang semakin tinggi dan bergelut untuk membayar jumlah pinjaman mereka yang meningkat di samping menampung <b>perbelanjaan harian mereka<sup>5</sup> dengan harga yang lebih tinggi</b>.</li><li>- Natijahnya, kenaikan kadar faedah atau pinjaman akan menjejaskan kebajikan rakyat di mana mereka terpaksa <b>menanggung kos sara hidup yang tinggi</b>.</li></ul> <p><b>2) Kadar bayaran hutang semakin membebankan</b></p> <ul style="list-style-type: none"><li>- Dengan peningkatan kadar hutang sektor isi rumah di negara kita yang semakin meningkat, maka kenaikan kadar bunga hanya akan mengurangkan perbelanjaan isi rumah melalui pertambahan pembayaran balik pinjaman, bukan menerusi peningkatan kadar tabungan.</li><li>- Setakat 2020, hutang isi rumah berbanding nilai Keluaran Dalam Negara Kasar (KDNK) Malaysia berada pada paras <b>hampir 90 peratus berbanding Singapura (69.7 peratus), Indonesia (17.2</b></li></ul>
--	---

<sup>5</sup> [Kenaikan OPR tambah beban rakyat - Sinar Harian](#)

**Kenaikan Kadar Dasar Semalaman (OPR) Menjejaskan Kedudukan Kewangan Rakyat  
Bertarikh 1 Jun 2023**

	<p><b>peratus) dan Filipina (9.9 peratus)<sup>6</sup></b>, setiap tingkat kenaikan OPR akan lebih membebankan peminjam.</p> <ul style="list-style-type: none"><li>- Berdasarkan sumber BNM, pinjaman terjejas sebanyak <b>RM 33,085 juta ketika OPR 1.75 peratus</b> pada 3 Mac 2022 dan meningkat kepada <b>RM 35,582.5 juta ketika OPR naik ke 2.75 peratus</b> pada 9 Mac 2023.<sup>7</sup></li><li>- Dalam pada itu, keadaan ekonomi domestik negara kita masih belum pulih sepenuhnya daripada kesan pandemik, tambahan bebanan kewangan ke atas peminjam akibat <b>kenaikan OPR</b> kemungkinan besar akan <b>menjerumuskan lebih ramai peminjam kepada masalah insolvensi</b>.</li><li>- Menurut Jabatan Insolvensi Malaysia, statistik kes kebangkrapan dari tahun 2019 hingga bulan Februari 2023 bagi <b>pinjaman peribadi adalah yang tertinggi dengan mencatat bilangan kes sebanyak 16,755 kes</b>. Seterusnya, diikuti oleh pinjaman perniagaan yang mencatat bilangan 5,660 kes. Jumlah kes ini menunjukkan masih ramai lagi rakyat terjerumus kepada hutang yang membebankan<sup>8</sup>.</li><li>- Kadar OPR akan memberikan kesan besar terutama kepada pinjaman kadar berubah dan pinjaman jangka panjang seperti pinjaman perumahan dan pinjaman peribadi. Oleh itu, jika kadar OPR dinaikkan lagi, jumlah bayaran pinjaman rakyat akan</li></ul>
--	---

<sup>6</sup> [Usah tambah beban rakyat naikkan OPR: Asyraf Wajdi - Sinar Harian](#)

<sup>7</sup> [Banking System: Impaired Loan/Financing and Provisions](#)

<sup>8</sup> [Statistik Kebankrapan 2023](#)



**Kenaikan Kadar Dasar Semalaman (OPR) Menjejaskan Kedudukan Kewangan Rakyat  
Bertarikh 1 Jun 2023**

	<p>terus meningkat. Hal ini akan menyebabkan lebih ramai yang tidak dapat menanggung komitmen masing-masing untuk membayar ansuran bulanan sehingga akhirnya berdepan risiko bankrap.</p>
<p>Cadangan</p>	<p>Kerajaan harus menyediakan <b>penyelesaian konkrit</b> untuk menangani isu kenaikan kos sara hidup yang menjejaskan kedudukan kewangan rakyat dan seterusnya meringankan beban rakyat melalui beberapa langkah, antaranya:</p> <ol style="list-style-type: none"> <li>1) Kerajaan boleh memperkenalkan semula <b>inisiatif moratorium bersasar</b> dan <b>fleksibiliti pembayaran balik</b> kepada peminjam yang terjejas kewangannya serta membantu mengimbangi peningkatan kos sara hidup. Justeru, Kerajaan perlu:             <ol style="list-style-type: none"> <li>a) <b>Mengurangkan beban hutang rakyat melalui</b> moratorium bersasar bagi tempoh tiga hingga enam bulan supaya mengurangkan beban kewangan mereka di samping menambahkan tunai di tangan rakyat.</li> <li>b) <b>Mengurangkan beban hutang Perusahaan Mikro Kecil dan Sederhana (PMKS) melalui</b> pembayaran faedah dalam tempoh sukar; atau mengurangkan ansuran bulanan dengan memanjangkan tempoh pinjaman; atau fleksibiliti lain sehingga peminjam boleh menyambung pembayaran balik baki pinjaman.</li> </ol> </li> </ol>

***Kenaikan Kadar Dasar Semalaman (OPR) Menjejaskan Kedudukan Kewangan Rakyat  
Bertarikh 1 Jun 2023***

	<p>2) <b>Memperkuhkan lagi sistem kewangan Islam</b> sebagai sokongan terhadap pengurusan kewangan yang mampan. Justeru, Kerajaan perlu:</p> <ul style="list-style-type: none"><li>a) Melaksanakan sistem kewangan islam yang <b>bebas daripada riba</b>, aktiviti pelaburan yang berasaskan <b>perkongsian risiko dan keuntungan, zakat, wakaf dan sedekah sebagai mekanisme</b> untuk mencapai keadilan sosial dan kebajikan masyarakat dalam golongan yang daif dalam aspek pendidikan, kerjaya dan latihan, kesihatan, kebudayaan dan subsidi dapat membantu meningkatkan pembangunan dan pertumbuhan ekonomi negara.</li><li>b) Pendapatan yang lebih relatif perkongsian membolehkan usahawan mendapat lebih berupa keuntungan seterusnya mencukupkan haul usahawan menunaikan kewajipan <b>berzakat</b>. Untuk mencapai keseimbangan dalam ekonomi, Islam memperkenalkan pelaksanaan zakat ke atas <b>kumpulan wang yang berlebihan</b>. Zakat merupakan cukai yang mesti dibayar oleh golongan kaya untuk kebajikan umum dalam negara secara keseluruhannya. Ia bertujuan untuk <b>memindahkan harta</b> daripada golongan yang kaya kepada golongan yang miskin.</li></ul>
--	---



***Kenaikan Kadar Dasar Semalaman (OPR) Menjejaskan Kedudukan Kewangan Rakyat  
Bertarikh 1 Jun 2023***

Disediakan oleh: Nur Soleha Ilyana M Yussop - Research Analyst (Economy)  
Dafizrul Azali Daud - Research Analyst (Economy)  
Nur Asyura Abdul Halim - Research Analyst (Economy)

**- TAMAT -**